

永樂大典

卷一萬五千九百

五十一

永樂大典

卷一五九五

永樂大典卷之一萬五千九百五十一

九震

運

五運

蘇子由古史三皇本紀太昊伏羲氏風姓亦曰庖犧以木德王天下為三皇首伏羲氏既衰而共工氏伯九州自謂水德失五行之教其後神農氏興以火德繼木為大師也冊府元龜太昊帝庖犧氏繼天而王為百王先首德治於木故為帝太昊事物紀原通曆曰太昊木德王始有甲曆五運項峻始學篇曰天地立有天皇以木德王則五運之起自天皇氏始也然天地開闢之初溟津鴻濛萬物未立五運相乘宜未詳也當自太昊為是王子年拾遺記曰伏羲以木德稱王位居東方以含養靈化叶于木德其音附甲號曰木皇此宜五德相乘之始也後漢班固典引曰肇命人主五德初始莫不開元于太昊注云謂庖犧始以木德王也前漢郊祀志贊曰劉向父子曰為帝出乎震故庖犧氏受木德馮鑑續事始引徐秀帝王年代圖云伏羲為百王首故易曰帝出乎震即帝王五運震為木起自太昊也又較子曰五運有二說鄒衍以相勝劉向以相生

永樂大典卷之一萬五千九百五十一

自伏羲至顓頊以木火土金水相承漢魏以運共遵劉說孟詵錦帶前書亦曰伏羲始以木德出乎震故曰太皞羅泌路史黃帝後紀祭五氣立五運潤性命紀陰陽極客於岐雷而內經作冊府元龜伯高夏后氏虞舜禪以天下土生金故為金德故夏后氏尚黑以建寅之月為正物生黑也戎事乘鐵戎兵也為黑也曰鐵不雅曰昧北魏杜預注用玄玄黑和也湯伐桀踐天子位乃改正朔服色尚白朝會以畫金生水故為水德天下號曰商後曰殷初封角湯者殷而受命故二號故殷人尚白以建巳之月為正物生白也戎事乘輪輪曰巳馬牲曰白周武王伐紂踐天子位水生木故為木德號曰周室故周人尚赤以建子之月為正物生赤也戎事乘騂騂馬曰騂牲用脾脾者脾烈王二年周太史儋見秦獻公曰始周與秦國合合而別別五百載復合周孝王封伯翳之後為僕與周別五百載至昭王時西戎自歸受單獻其邑三十六城合也謂從秦仲至孝公強大顯王數霸與之親合七合十七載為霸王者出焉從此後十七年而秦昭王立武王稱王皆備至始皇而上天下西漢會要自齊威宣時騶子之徒論著終始五德之運如淳曰今其書有五德終始五德各以所勝為行秦項月為火德故火者水故自謂水德師古曰騶子即騶衍及秦帝

而齊人奏之。故始皇用之。秦兼天下。頗推五勝。而自以為獲水德。乃以十月為正。色上黑。漢興。方朔紀大基。廢事。革到。樂泰正朔。以北平度。張蒼言。用顛帝曆。然正朔服色。未觀其真云。高祖立為沛公。旗幟皆赤。由所殺蛇白帝子。所殺者赤帝子也。贊曰。漢承堯運。德祚已盛。斷蛇者行旗幟皆赤。協于火德。自然之應。得天統矣。高祖曰。此時待我而起。亦自以為獲水德之瑞。雖明習晉及張蒼等咸以為然。是時天下初定。方綱紀大基。高后女主。皆未遑。故襲秦正朔服色。文帝時。贊誼以為漢興二十餘年。宜當改正朔。易服色。制度。更革。具其儀法。色上黃。數用五。帝謙避未遑也。文帝十六年。魯人公孫臣上書曰。始秦得水德。及漢受之。推終始。傳則漢當土德。土德之應。黃龍見。宜改正朔。服色上黃。張蒼以為漢通水德之時。河決金隄。其符也。年始冬十月。色外黑內赤。十月陰氣在外。故外黑。湯元尚伏在地。故內赤也。或曰。十月百年外黑內赤也。與德相應。公孫臣言非是。龍之明年黃龍見。成紀。天水之縣也。文帝召公孫臣。拜為博士。與諸生申明土德。革改歷服色事。新垣平玉杯詐覺。是後文帝怠於改正服鬼神之事。武帝即位。天下又安。縉紳之屬。皆望天子封禪。改正度也。趙綰王臧。議革改歷服色事。未就。貴太后不好儒術。使人按綰臧自殺。元封七

水經大典卷之五十九百五十一

二

年。司馬遷等言。歷紀壞廢。宜改正朔。是時御史大夫倪寬明經術。上乃詔寬曰。今宜何以為正朔。服色。向上寬與博士賜等議。皆曰。帝王必改正朔。易服色。所以明受命於天也。創業變改制。不相復。推傳序文。則今夏時也。於是迪詔。以七年為元年。天初元年。夏五月。正歷。以正月為歲首。色上黃。數用五。張蒼曰。漢據土德。土數五。故用五。定官名。協音律。班固曰。漢興之初。廢事。革到。唯一叔孫生。畧定朝廷之儀。若迺正朔服色。郊望之事。數世猶未章焉。至于孝文。始以夏郊。而張蒼據水德。公孫臣賈誼。更以為土德。卒不能明。孝武之世。文章為盛大。初改制。而兒寬。司馬遷等。猶從臣誼之言。服色數度。遂順黃德。彼以為五德之傳。從所不勝。秦在水德。故漢據土而克之。劉向父子以為帝出于震。故包羲氏始受木德。其後以母傳子。終而後始。自神農黃帝。下歷唐虞三代。而漢得火德。故高祖始起神母夜號。着赤帝之符。旗章遂赤。自得天統矣。劉向父子雖有此說。持下世行。至元大乃用。火德。昔共工氏以上德。問于木火。與秦同運。非其次序。故皆下承。由是言之。祖宗之制。蓋有自然之應。順時宜矣。史記列傳。張蒼為計。持時緒。正律歷。以高祖十月。始至霸上。因故秦時。本以十月為歲首。弗革。推五德之運。以為漢當水德之時。尚黑如故。吹律調樂。入之音聲。及以北

定律令。注：如淳曰：此謂五音清濁各有所比也。以定十二月律之法。今於樂官使夫行之。實曰：謂以此故取類。以定法律與律令也。若百工天下作程品。注：如淳曰：若履也。百工為器物。皆有尺寸。勛兩。皆使得宜。此之謂順音。均曰：若履及之。解。注：宋隱曰：音均既均。得。至於丞相卒就之。故漢家言律歷者。本之辰蒼。漢書光武記。建武二年正月。始正大德。色上赤。漢初土德也。尚黃。至此始明大德。微儀尚赤。三國志。魏文帝以漢元康元年十一月受禪。給事中博士蘇林董巴上表曰。魏之氏族。出自顓頊。與舜同祖。舜以土德承堯之火。今魏亦以土德承漢之火。於行運合於堯舜授受之次。遂改延康元年為黃初元年。議改正朔。易服色。殊徽號。承土行。十二月幸洛陽。以夏數得天。故即用夏正。而服色尚黃。又詔以漢大行也。火忌水。故洛去水而加佳。魏於行次為土土。水之壯也。水得土而乃流。土得水而柔。故除佳加水。變雅為洛。明帝景初元年春正月壬辰。山陰縣言黃龍見。於是。有司奏以為魏得地統。宜以建丑之月為正。三月定曆改年。為孟夏四月初。文皇帝即位。以定禪于漢。因循漢正朔弗改。帝在東宮。著論以為五帝三皇。禮不相襲。正朔自宜改變。以明受命之運。及即位。優游有久之。史官復著言宜改。乃詔三公。特進九卿中。即轉大夫。博士議。即。千石。六百石。博議者。或不同。帝據古典。甲子詔曰。夫太極運三辰。五星於上。元氣轉三統。五行於下。登降周旋。終則又始。故仲尼作春秋。三微之月。每月稱王。以明三正。迭相為首。今推三統之次。魏得地統。當以建丑之月為正。月考之群。藝厥義章矣。其改青龍五年三月為景初元年。四月。服色尚黃。犧牲用白。戎事乘黑首白馬。建大赤之旂。朝會建大白之旗。改大和歷。曰景初。歷其春夏秋冬。孟仲季月。雖與正歲不同。至於郊祀迎氣。祠祠蒸嘗。巡行蒐田。分至昏閉。班宣時令。中氣早晚。敬授民事。皆以正歲斗建為歷。數之序。初高堂隆以為改正朔。易服色。殊徽號。異器械。自古帝王。所以神明其政。變民耳目。故三春稱王。明三統也。於是。敷演舊章。奏而改焉。帝從其議。改青龍五年春三月為景初元年。孟夏四月。服色尚黃。犧牲用白。從地正也。齊王芳以景初三年即位。十二月詔曰。烈祖皇帝。以正月奔背。天下臣子。永惟忌日之哀。其後用夏正。雖違先帝通三統之義。斯亦禮制所由變改也。又夏正於數。為得天正。其以建寅之月為正。始元年正月。以建丑月為後。十二月。晉書武帝紀。太始元年即位。二年九月。群公奏。唐堯舜禹。不以易祚。改制。至於湯武。各推行數。宣尼答為邦之問。則曰。行夏之時。稽夏之制。通為百代之言。蓋期於從政。齊治。不繫於行運也。今大晉繼三

皇之蹤跡并禹之迹。應天從民。受禪有魏。且一用前代正朔服色。皆如有
 虞遵唐故事。於義為弘。奏可。史臣曰。晉為金行。服色尚赤。考之天道。其遠
 甚矣。元帝以丁丑歲。稱晉王。置宗廟。使郭璞筮之。云。享二百年。自丁丑至
 禪代之歲。年在庚申。為一百四歲。然丁丑始係西晉庚申終入宋。年所餘
 惟一百有二歲耳。璞蓋以百二之期促。故婉而倒之。為二百也。晉鑿齒傳
 鑿齒臨終。上疏曰。臣每謂皇晉。直越魏繼漢。不應以魏後為三恪。而身微
 官。早無由上達。懷抱愚情。三十餘年。今沉淪重疾。性命難保。遂嘗陳此。當
 與之朽爛。區區之情。竊所悼惜。謹力疾著論。一為寫上如左。願陛下考尋
 古義。求經常之表。超然遠覽。不以臣微賤。廢其所言論。曰。或問魏武帝功
 蓋中夏。文帝受禪於漢。而吾子為漢。終有晉。宜實理乎。且魏之見廢。晉道
 亦病。晉之臣子。寧可以同此言哉。答曰。此乃所以尊晉也。但絕節赴曲。非
 常耳。所悲見殊心異。雖其莫察。請為子言焉。昔漢氏失御。九州殘隔。三國
 乘間鼎峙。數世干戈。日尋。流血百載。雖各有偏正。而其實亂也。宣皇帝勢
 迫當年。力制魏氏。壞屈從時。遂霸戎役。晦明掩耀。龍潛下位。俛首重足。鞠
 躬屏息。道有不谷之難。躬蹈履霜之險。可謂危矣。魏武既亡。大難復免。始
 南擒孟達。東蕩海隅。西抑勁蜀。旋撫諸夏。推吳人入使之鋒。掃曹爽。見忘

永樂大典卷之萬五千九百一

之黨。植靈根以跨中嶽。樹群才以翼子弟。命世之志。既恢。非常之業。亦固
 景文繼之。靈武冠世。尅代感運。以定厥膺。帝卷梁益。奄征西極。功格皇天。
 勲侔古烈。靈規顯祚。故以灼如也。至於武皇。遂并疆吳。混一宇宙。又清四
 海。同軌二漢。除三國之大害。靜漢末之交爭。開九域之蒙晦。定千載之盛
 功者。皆司馬氏也。而推魏繼漢。以晉承魏。比義唐虞。自託純臣。豈不惜哉。
 今若以魏有代王之德。則其道不足。有靜亂之功。則殊劉鼎。立道不足。則
 不可謂制當年。當年不制於魏。則魏未嘗為天下之主。王道不足於曹。則
 曹未始為一日之王矣。昔共工伯有九州。秦政奄平。區夏鞭撻。華戎專摠。
 六合。猶不見存於帝王。淪沒於戰國。何況暫制數州之人。厥行境內而已。
 便可推為一代者乎。苟以晉嘗事魏。懼陽皇德。拘惜禪名。謂不可割。則惑
 之甚者。何者。隗囂據隴。公孫帝蜀。蜀隴之人。雖服其役。取之大義於彼。何
 有。且吳楚僭號。周室未亡。子文延陵。不見貶絕。宣皇帝官魏。過於性命。舉
 非擇木。何虧德美。禪代之義。不同克弊。校實定名。必章於後。人各有心事。
 胡可掩定。空虛之魏。以在於已。孰若伏義。而以貶魏哉。夫命世之人。正情
 遇物。假之際會。必兼義勇。宣皇祖考。立功于漢。世為爾芳。思報亦深。魏武
 越趙。志在傾主。德不素積。美險水薄。宣帝興之。情將何重。雖形屈當年。意

永樂大典

卷一五九五

中百世降心全已。憤慨於下。非道服北面有純臣之節。革命曹氏志濟世之功者也。夫成業者係於所為。不係所藉。立功者言其所濟。不言所起。是故漢高稟命於懷王。劉氏乘斃於亡秦。起二偽以遠嗣。不論近而計功。考五德於帝典。不疑道於力政。季無承楚之號。漢有繼周之業。取之既美。而已德亦重。故也。凡天下事。有可借喻於古。以曉於今。定之往昔。而足為來證者。當春秋之時。吳楚二國。皆僭號之王也。若使楚莊推郢邱以尊。有德。閭閻舉三江以奉。命世之君。有德之主。或藉之以應天。或撫之而光宅。彼必自係於周室。不推吳楚。以為代明矣。積勳累功。靜亂寧衆。數之所臻。衆之所與。不資於燕會之授。不賴於因藉之力。長轡廟堂。吳蜀兩斃。運奇二紀。而平定天下。服魏武之所不能臣。蕩累業之所不能除者哉。自漢末鼎沸。五六十平。吳魏犯順。而疆蜀人伏正。而弱三家不能相一。萬姓曠而無主。夫有定天下之大功。為天下之所推。孰如見推於閭人。受尊於微弱。配天而為帝。方駕於三代。豈比僥首於曹氏。側足於不正。即情而常實。取之而無慙。何與說事而託偽。問亂於將來者乎。是故故萬之恩。可封魏後。三恪之數。不且見列。以晉承漢功。實顯然。正名當事。情體亦厭。又何為虛尊不正之魏。而虧我道於大通哉。昔周人誅祖宗之德。追述商尚之功。仲尼

永樂大典卷一五九五

五

明大孝之道。高稱配天之義。然後稷勤於所職。車來未以翦商異於司馬。氏仕乎曹族。三祖之寓於魏。世矣。且夫魏自君之道。不正則三祖臣魏之義未盡。義未盡。故假塗以運高略。道不正。故君臣之節有殊。然則弘道不以輔魏。而無逆取之嫌。高拱不勞汗馬。而有靜亂之功者。蓋勳足以王四海。義可以登天位。雖我德慙於有周。而彼道異於殷商。故也。今予不疑共工之不得列於帝王。不嫌漢之係周。而不係秦。何至於一魏猶凝滯而不他哉。夫欲尊其君。而不知推之於堯舜之道。欲重其國。而反屑之不足勝之地。豈君子之高義。若猶未悟。請於是止矣。此史後魏道武天興元年十一月。詔百司議定行次尚書崔玄伯等奏。從土德服色尚黃。數用五。未祖辰臘。犧牲曰五。郊立氣。宣贊時令。敬授民時。行夏之正。時有司奏。國家繼黃帝之後。宜為土德。故神獸如牛。牛土畜。又黃色顯曜。其符也。於是始從土德。天興中。李先之子密問於先曰。子今為魏。臣將復事他主也。先告曰。未也。國家政化長遠。不可卒窮。自始皇至齊。受禪實五百餘載矣。孝文太和十四年八月。詔曰。丘澤初配。尚宜定五德相襲。分叙有常。然異同之論。首於往漢。未詳之說。疑在今史。群官百辟。丁議其所應。必令合衷。以成萬代之式。中書監高尙議。以為帝王之作。百代可知。運代相承。書傳可考。雖

祚命有長短。德政有優劣。至於受終嚴祖。啟薦上帝。其致一也。故敢述其
 前載。舉其大略。臣聞若尊據極。允應明命者。莫不以中原為正統。神州為
 帝宅。苟位當名全。化迹流洽。則不專以世數為與奪。善惡為是非。故堯舜
 禪揖。一身異尚。魏晉相代。少紀運殊。桀紂至宵。不廢承曆之叙。厲惠至昏。
 不闕周晉之錄。計五德之論。始自漢劉。一時之議。三家致別。故張蒼以漢
 為水德。賈誼公孫以漢為土德。劉向以漢為火德。以為水德者。正以當有
 水溢之應。則不推運代相承之數也。以為土德者。則以亡秦繼曆相即為
 次。不推逆順之異也。以為火德者。懸登赤帝斬蛇之符。弃秦之暴。越惡承
 善。不以世次為正也。故以周為火德。自茲厥後。乃以為常。魏承漢。火生土。
 故魏為土德。晉承魏。土生金。故晉為金德。趙承晉。金生水。故趙為水德。燕
 承趙。水生木。故燕為木德。秦承燕。木生火。故秦為火德。秦之未滅。皇魏未
 剋。神州秦民既亡。大魏稱制。玄朔故。帝文之廟。始稱太祖。以明受命之璽。
 如周在岐之陽。若繼晉則晉亡已。若弃秦則中原有寄。推此而言。承秦之
 理事。為明驗。故以魏承秦。魏為土德。又五緯表驗。黃星耀彩。考氏定實。合
 德軒轅。承土祖。木為事。為著矣。又秦趙及燕。雖非明聖。各正號。赤縣。統有
 中土。郊天祭地。肆類成秩。明刑制禮。不失舊章。奄岱踰河。境被淮漢。非若

永樂大典卷五十九百一

六

僅促邊方。僭擬之。為遠如孫權劉備。近若劉裕道成。事繁變夷。非關中夏。
 伏惟聖朝。德配天地。道被四海。承乾統曆。功侔百王。光格同於唐虞。享祚
 流於周漢。正位中境。奄有萬方。今若并吞三家。遠承晉氏。則幾中原正次
 之實。存之無損於此。而有成於彼。廢之無益於今。而有傷於事。臣愚以為
 宜而尚黃。定為土德。又前代之君。明賢之史。皆因其可褒褒之。可貶貶之。
 今議者偏據可絕之義。而不錄可全之理。所論事大。垂之萬葉。宜並集中。
 祕群儒人人別議。擇其所長。於理為悉。祕書丞臣李虎著作郎崔光等議。
 以為尚書問議。繼近秦氏。臣職掌國籍。頗覽前書。借此正火。慨彼非緒。輒
 仰推帝始。遠尋百王。魏雖建國。君民地朕。振古祖黃。制朔綿延。有因成此。
 帝業神元。為首。按神元晉武。往來和好。至于桓穆。洛京破亡。二帝志推。聽
 勸。思存晉氏。每助劉琨。中感并冀。是以晉室。銜扶救之仁。越石深代。王之
 請。平文太祖。抗衡符石。終平燕氏。大造中區。是則司馬。祚終於邦。鄉而元
 氏受命於雲代。蓋自周之威。及漢正號。幾六十年。昔符尚赤。後雖張賈。殊
 謀暫疑。而卒從火德。以繼周氏。排曹贏。以此共工。蔑暴項。而同吳廣。近歸
 謬。偽遠即神正。若此之明也。事使白蛇。徒斬雕雲。空結我。自有晉。傾滄
 登國。筆號亦幾六十。除載物色。旗幟。華多取黑。是又自然。合應。玄同。漢始

且秦并天下。革創法度。漢仍其制。少所變易。猶仰推五運。竟踵隆姬。而况劉石符燕。世業促編。綱紀弗立。魏接其弊。自有夷典。豈可異漢之承。本捨晉而為土。耶夫皇統崇極。承運至重。必當推協天緒。考審玉次。不雜以僭竊。參之強狡。神元既晉。武同世。桓穆與懷。悠接時。晉室之淪。平文治太。廟號太祖。抑亦有由。紹晉金德。孰曰不可。而欲次茲。偽僭宣非。惑乎臣所以悽悽惜之。唯亟察納。詔令群臣。議之。十五年正月。侍中司空長樂王穆亮。侍中尚書左僕射平原王陸叡。侍中吏部尚書中山王元孫。侍中尚書尉馬都尉南平王馮誕。散騎常侍都督尚書新泰侯游明根。散騎常侍南部令鄧侍祖。祕書中散李愷。尚書左丞郭祚。右丞鞠斌。子衡慶。中書侍郎封琳。中書郎秦昌子崔挺。中書侍郎賈元壽。專言。臣等受勅共議。中書監高閭。祕書丞李虎等二人。所議。皇魏行次。尚書高閭以石承晉為水德。燕承石為木德。以秦承燕為大德。大魏次秦為土德。皆以地據中夏。以為德統之徵。皇魏建號。事接秦末。晉既滅亡。天命在我。故因中原有寄。即而承之。鹿等據神元皇帝。與晉武並時。桓穆二帝。仍修舊好。始自平文。逮于太祖。抗衝秦趙。終平慕容。晉祚終於秦方。大魏興於雲朔。據漢并秦。承周之義。以皇魏承晉為水德。二家之論。大略如此。臣等謹共恭論。伏惟皇魏世

永樂大典卷五十九下全

七

王玄朔。下迄魏晉。趙秦二皇。雖地據中華。德祚微淺。並獲推叙。於理未愜。又國家積德。修長道光。萬載。彪等職主。東觀詳究。圖史所據。之理。其志難奪。今欲從鹿等所議。宜承晉為水德。詔曰。越近承遠。情所未安。然考次推時。頗亦難繼。諸賢所議。豈朕能有違奪。便可依為水德。祖申辰。彈辨。府元龜。後周閔帝元平春正月辛丑。即天王位。是日魏魏里獻赤雀。在百官奏議云。帝王之興。必更正朔。明受之於天。華民視聽也。逮于尼甫。稽諸陰陽。云行夏之時。後王所不易。今魏曆告終。周室受命。以木乘水。冥當行錄。正用夏時。式遵聖道。惟文王誕。玄氣之祥。有黑水之讖。服色烏。制曰。可。隋書文帝紀。開皇元年六月癸未。詔以初受天命。赤雀降祥。五德相生。赤為火色。其郊及社廟。依服色之儀。而朝會之服。旗幟犧牲。各令尚赤。戎服以黃。七月乙卯。帝始服黃。百寮率賀。在仲方傳。高祖受禪。召崔仲方。與高頴。議正朔服色事。仲方曰。晉為金行。後魏為水。周為木。皇家以火承水。得天之統。又聖躬誕誕之初。有赤光之瑞。車服旗幟。並宜用赤。又觀帝除六官。請依漢魏之舊。帝皆從之。盧賁傳。高祖受禪。賁為開府。命賁清宮。因典宿衛。賁於是奏改周代旗幟。更為嘉名。其青龍驕虞。朱在玄武。千秋萬歲之旗。皆賁所創也。唐書玄宗開元中。有上書請以皇家為金德者。中書令蕭

永樂大典

卷一五九五

高奏請集百家詳議。侍中裴光庭以國家符命。文著史策。若有改易。恐貽後學之誚。密奏請依舊為定。乃下詔。侍中裴集議之事。王啟名曰。考唐初事。因天寶九載七月。詔曰。三王繼統。質文既不相襲。五德承時。服色遵於所尚。至旗常改制。特輸異宜。所以表軍國之容。合聲明之度。事之大者。安可因循而已。馬。國家膺推紐之期。纂黃中之曆。憲章垂範。運既屬於惟新。旗幟同色。義必在於華故。頃者俯納群議。或叫統緒。故得天人致和。風雨時若。豈朕躬非德。克廣睿圖。實累聖鴻休。允膺景運。稽古之大。既有昭明文物所資。理宜詳正。其諸衛應隊仗所用。緋色幡等。並改為赤黃色。庶克遵於道。變諒有叶於從。宜其諸節度并管內軍使等。亦宜准此。九月。廢士崔昌上封事。以國家合承周漢。其周隋不合。為二王後。請廢詔。下尚書省。集公卿議。昌負獨見之明。群議不屈。會集賢院學士衛包抗表陳論。上心遂定。乃求殷周漢後為三恪。廢韓介。鄭等公。以昌為左贊善大夫。包為虞部員外。十載五月。諸衛幡旗色始改為赤黃。十二載五月。己酉。復以魏周隋依舊為恪。及二王後。其本封韓介。鄭等公如故。初。崔昌上封。推五行之運。以皇家土德。合承漢行。自魏晉至隋。皆非正統。是閔位。書奏。詔公卿議。是非相半。時上方希古慕道。得昌疏。甚與意。愜。宰相林甫亦以昌意為是。

會集賢院學士衛包抗疏奏曰。昨夜雲開。四星聚於尾宿。又都堂會議之際。陰霧四塞。緒言之後。晴空萬里。此蓋天意明國家承漢之象也。上以為然。遂行之。及是。揚國忠恨李林甫之短。乃奏云。周漢遠。不當為二王後。衛包助邪。獨與林甫計議。大柰弄倫。上疑之。下包獄。案鞠。遂貶為夜郎。即夜郎村。崔昌為玉山郡。烏雷尉。並員外置。代宗永泰中。歸崇敬為膳部郎中。時有術士巨彭祖上疏云。大唐土德。千年合符。請每四季郊祀天地。詔禮官儒者議之。崇敬議曰。案舊禮。立春之日。迎春於東郊。祭青帝。立夏之中。迎夏於南郊。祭赤帝。先立春十八日。迎黃靈於中地。祀黃帝。秋冬各如其方。黃帝於五行為土。王在四季。生於火。故火用事之末。而祭之。三季則否。漢魏同隋。共行此禮。國家土德乘時。亦以每歲六月土王之日。祀黃帝於南郊。以后土配。所謂合禮。今彭祖請用四季祠祀。多憑緯候之文。且據陰陽之說。事涉不經。恐難行用。唐語林。自古聖王五運之次。凡有二說。鄒行則以五行相勝為義。劉向則以五行相生為義。漢魏共遵。列說。唐承隋代。火運。故為土德。衣服尚黃。旗幟尚赤。常服赭赤也。赭黃色之多赤者。或謂之柘木。其義無取。高宗時。王勃著大唐千年曆。國家土運當承漢氏火德。上自曹魏。下自隋室。自南北兩朝。咸作一統。不得取五運之次。勃言迂闊。

永樂大典

卷一五九五

未為當時所許。天寶中上書言事者多為說異以冀進用。有在昌株物舊說。遂以上聞。玄宗納焉。下詔以唐承漢。自隋以前。曆代帝王皆并然。更以周漢為二王。後是歲。桂部試上德。惟新賦。即其事也。及揚國忠東政。自以隋氏之宗。乃追貶崔昌。并當時議者。漢承晉。本不載所王之德。元年。司天上言。歷代帝王以五運相承。前朝紹承水德。今國家建號。周朝合木德。代水。惟經法國。以姓基為臘。今曆日所行。合以今年十二月二十二日丁未為臘。從此。王致者等曰。晉承後唐。漢承晉。本文不載所王之德。據周稱木德。即是漢為水。晉為金。以繼唐土德也。宋會要。太祖建隆元年三月。有司上言。國家受禪於周。周木德。木生火。合以火德。王其色尚赤。仍請以戊日為臘。從之。太宗太平興國九年四月。布衣趙密。夢言。皇家當越五代。上承唐統。為金德。若以梁上繼唐。傳後唐。至國朝。亦合為金德。則自禪代以來。符瑞押至。羽毛之類。多色白者。皆金德之應。聖改正朔。易服色。以承天統。下尚書省。集百官定議。右散騎常侍徐鉉等奏議曰。五運相承。國家大事。著於前載。具有明文。頃以唐李昉亂。朱梁篡代。往宗早編。舊籍雖立。親雪國讎。天下稱慶。即以梁比。并混王莽之徒。不可以為正統也。往宗中興。唐祚重新。土運自後。數姓相傳。晉以金。漢以水。周以木。天造皇

永樂大典卷五十九百五

九

宋。運膺火德。况國初便祀火帝。為感生于金。二十五年。圓丘展禮。已經六祭。年穀豐登。干戈偃戢。必若聖統。未合天心。焉有太平。得如今日。豈可輒因獻議。便從改易。又云。梁至周。不合迭居五運。欲上繼唐統。為金德。且後唐已下。奄宅中區。合該正統。今便廢絕。禮實無謂。且五運代遷。皆親承受。質文相次。間不容髮。豈可越數姓之上。繼百年之運。按唐書。天寶九載。在昌獻議曰。魏晉至周。隋皆不得為正統。欲唐遠繼漢統。立周漢子孫為王者。後備三恪之禮。是時朝議。是非相半。集賢學士衛包。扶同李林甫。遂行其事。林甫卒。後復以魏周。隋後為三恪。崔昌銜包。並皆遠貶。此又前載。甚明。况今封禪有日。宜從定制。上答殊休。從之。真宗大中祥符三年九月。開封府功曹參軍張君房言。國家當繼唐土德。統用金德。朱梁篡代。不可以承正統。其晉氏稱金德。而江南李昇。實稱唐其後。漢承晉。為水。止四年。而魏周承漢。為木。止九年。而四方分據。太祖以庚申年受周禪。開寶乙亥。歲平江南。及太宗定并汾。自是一統。是國家承金德。以受命。其故明矣。并獻所著論四卷。真宗曰。若此言者多矣。且國初。何詳議為大德。今豈敢驟改邪。天禧四年五月。光祿寺丞謝絳上書曰。夫帝王之興。必推五行盛德。所以配天地。而行陰陽也。推五行者。必求諸國瑞。稽諸象曆。視所興之

基所承之使於是服色制度郊祀正朔因而準之是故神農氏以火德有
 火星之瑞聖祖以土德黃龍地墳見夏以木德青龍止於郊而以金德山
 澤自溢周以火德有赤鳥之符自漢之興王火德者以謂承堯之後者蓋
 取赤帝子之驗文帝世賈誼以漢宜色尚黃數用五班固貶其疎闊張蒼
 好律歷謂漢通水德之時河決金堤其符也又公孫臣曰始秦德水而漢
 受之推終始傳則漢當土德之應孝文亦命有司申明其事迨至孝武乃
 謂承堯之後非可改易迨世祖中興有赤伏之讖於是火德之論確然得
 正然則數子之議皆失之矣且漢堯之裔五帝之大莫大於堯而漢能因
 之是不墜其緒而善繼盛德者也切以國家應開先之慶執敦厚之德宜
 以土瑞至天下夫三皇莫大於聖祖承其後者猶漢之繼堯也然則推終
 始傳乘周之木德而火德其次且朱梁不預正統者謂莊宗復與于後自
 石晉漢氏以及于周則李昇建國左右而唐祚未絕是三代者亦不得正
 其統矣昔者秦祚促而德暴不入正統考諸五代之際亦是類矣今國家
 誠能下照五代紹唐土德以繼聖祖亦猶漢之繼秦與周火德以繼堯者
 也夫土於五行位居其中國家兆運于宋作京于汴誠萬國之中區矣傳
 曰土為群主故曰后土洪範曰土爰稼穡稼穡作甘今四海洽足嘉生

水樂大典卷五十九百五十一

十

蕃衍頃之泰山醴泉湧過年京師甘露降作甘之兆斯亦見矣矧靈木異
 卉資生於土者不可勝道非土德之驗乎又聞在昔靈命肇發太祖生于
 洛邑而包絡惟黃鴻圖既建五緯聚于奎壁而鎮星是主及陛下昇中之
 次日祀黃珮朝祀太清合譽黃潤斯皆天意人事響效之大者也其餘神
 龜珍獸自遠至者或龜或介或有厥應然非耳目之所具也苟驗其一則
 土德之符在此矣陛下勿以變故為疑循舊自守且漢興主武帝越九十
 年始復尋於火德至光武蓋二百載方習定乎正運國家受祚猶在五紀
 乃能興是正統敏於漢德甚矣是故天心在茲陛下拒而用受民意若
 是陛下謙而弗答氣壅未宣河決遂潰豈不神哉然則天淵之勃流水德之
 浸惠考驗五行相勝之說亦宜與土運崇時災之順考符應詳習法度不
 可以揖讓至德因循舊典廢天之休也其度量律歷之則車服衣冠之法
 園丘方澤之事明堂辟雍之制宗廟薦饗之序方國朝會之典政教禮樂
 文質增損下措紳講之特大理寺丞董行父又言曰在昔黃帝兼三材
 而統天下天統得而天下治故伏羲為人統神農為地統黃帝為天統三
 統常合而迭為首黃帝合之而不死此之謂也少昊黃帝子也脩其德而
 守其統高陽德統俱變為人統高辛易之為地統唐堯高辛子也德統俱

變為天統。虞舜受禪。更其德。遵其統。故易曰。黃帝堯舜氏作。通其變。使民不倦。神而化之。使民宜之。又曰。黃帝堯舜垂衣裳而天下治。蓋取諸乾坤。言黃帝堯舜神變化而法乾坤。統天而治者也。其後夏為人統。商為地統。周為天統。是故文武應天順人。周公制禮作樂。故黃帝堯舜姬周三統。皆有天降之瑞。神錫之符。蓋能以明德通天。而用天以統治天下也。漢繼周為人統。唐續漢為地統。斯三統相傳之道也。又秦吳以萬物生於東。至仁體乎木。故德始於木。木以生火。神農受之為火德。故曰炎帝。火以生土。黃帝受之為土德。黃者中之色。土之象。中土既正。天命以定。故曰黃帝。土以生金。少昊受之為金德。金以生水。高陽受之為水德。水以生木。高辛受之為木德。木以生火。堯受之為火德。火以生土。舜傳之為土德。土以生金。夏為金德。金以生水。商為水德。水以生木。周為木德。木以生火。漢為火德。火以生土。唐為土德。是以五行因三微成著。五運與三統兼行。陛下紹天統。受天命。心與天道。道與天廣。固當應天明統。紹唐正德。顯黃帝之嫡緒。彰聖益之丕烈。改正朔。易服色。建火中。殊徽號。制禮樂。定律曆。謹權量。審法度。敦庠序。考文章。正風俗。振黃道。作此大略。以答天休。與民更始。為萬代法。又按聖祖降於癸酉。天書降於戊申。太祖受禪於庚申。陛下即位於丁酉。中酉皆金也。陛下紹唐漢之運。繼黃帝之後。三世變通。應天之統。正金之德。斯又順也。臣請用天為統。以金為德。然後尊皇帝於清廟。冊聖益以帝稱。郊祀黃帝以配天。太祖作主以侑神。宗祀聖益於明堂。以配上帝。太宗作主侑神。配享有位。程於祧廟之祖。然後封造父以王爵。建原廟於趙城。祀白帝於西時。表福地於雍京。此陛下統運之大猷。祖宗之象事。性詳擇而行之。詔兩制詳議。議曰。自庖犧繼天而王。為百王先。首德始於木。共工氏伯九域。雖有水德。而非其序。炎帝神農氏以火承之。黃帝軒轅氏繼王天下。大生土。故為土德。少昊金天氏承之。土生金。故為金德。高陽氏承之。金生水。故為水德。帝嚳高辛氏承之。水生木。故為木德。木生火。故帝堯陶唐氏為火德。火生土。故帝舜有虞氏為土德。土生金。故夏商為金德。金生水。故高湯為水德。水生木。故周為木德。秦以水德。在周漢水火之間。亦猶共工不當五德之序。遂以不載。漢祖代秦。上繼周統。以木生火。而為大德。文帝時。公孫臣賈誼稱漢當土德。丞相張蒼又以當水德。其後劉向父子以庖犧木德為始。而漢得火焉。雖建此議。至後漢光武遂用火德。魏受漢禪。以火生土。而為土德。土生金。晉為金德。南朝自宋至陳。咸當土位。金生水。後魏承晉為水德。水生木。後周承魏為木德。木生火。隋承後周為

大德。大生土。唐承隋為土德。至開元中言者。以今為金德。百僚詳議。業光
庭請依舊為定。從之。朱梁篡代。同大羿浞王莽。非可當於運序。莊宗早編
屬籍。親雪國讎。中興唐祚。遂承其運。土生金。晉承唐為金德。金生水。漢承
晉為水德。水生木。周承漢為木德。木生火。皇朝承周遂為火德。雍熙初趙
重慶上言。宜越五代。上承唐統為金德。事下尚書省議。徐鉉等議。以為皇
宋運膺火德。祀赤帝為感生。于今積年。不可輕議改易。詔從鉉議。今謝絳
所述。以聖祖得土瑞。宜承土德。且引漢承堯緒為火德之比。雖班彪叙漢
祖之興有五。其一曰。堯之首裔。及序正統。乃越秦繼周。非用堯之德。今國
家或用土德。即當越唐承隋。愈失五德傳襲之序。又董行父請越五代。紹
唐為金德。其度越累世。上承百代之統。則晉漢洎周。咸帝中夏。太祖實受
終於周。而陟元后。豈可弗遵傳繼之序。續于遐邇之統。三聖臨御。六十餘
載。登封告成。昭姓紀號。率循大德之運。以輝炎靈之曜。茲事體大。非容輕
議。二臣所請。難以施行。詔可。徽宗政和七年十月一日。詔以來年歲運
曆數。頒告天下曰。昔我先后。先天而天弗違。後天而奉天時。其歲月日時
無易。民用平康。今朕臨觀八極。考建五常。以天地日月星辰氣運之數。敦
錫庶民。以待來歲之宜。惟爾萬邦。率茲典常。奉若天道。欽歆時憲。保于有

永樂大典卷萬五千九百五十一

十二

極。外薄四海。罔或不祗。政和八年戊戌歲。運氣陽火太過。運行先天太微
少宮太商少羽少角。五氣運行。各終其月日。赫曦之紀。北政司天相天之
氣。經于戊分。太陽司天。左間厥陽。右間陽明。太陰在泉。左間陽明。右間少
陰。歲半之前。天氣太陽主之。歲半之後。地氣太陰主之。水土合德。上應辰
星鎮星。寒化六。熱化七。濕化五。木位為初氣。大火為二氣。相火位為三氣。
土位為四氣。金位為五氣。水位為終氣。是為主氣。初之氣少陽相火居木
位。二之氣陽明燥金居火位。三之氣太陽寒水居火位。四之氣厥陰風木
居土位。五之氣少陰大火居金位。終之氣大陰濕土居水位。是為客氣。戊
火太過。赫曦之紀。戊為太陽。司天之政。太陽寒水有以勝火。火既受制。其
氣受平。故曰上羽與正徵同。蓋大之太過為大徵。不及為少徵。平為正徵。
以運推之。陰氣內化。陽氣外榮。炎暑施化。物得以昌。其氣高。其性速。其收
齊。其病瘧。其穀麥豆。其畜羊鹿。其果杏栗。其色赤白玄。其味苦辛鹹。其藏
心肺。其蟲羽鱗。以氣推之。天氣肅。地氣靜。寒政大舉。澤無陽。陰小陽中。治
時雨適淫。運於太陰。濕化。遍布寒濕之氣。特於氣交。歲半以前。民感寒氣。
病本於心。平以辛熱。佐以甘苦。以鹹瀉之。歲半之後。民感濕氣。病本於腎。
治以苦熱。佐以酸淡。以苦燥之。以淡泄之。一歲之間。宜食元穀之穀。以全

永樂大典

卷一五九五

其真以資化源以助天氣無使暴過而生疾是謂至治自
是月朔布政孟冬順曆率推攷兼運具之文辭以為常

永樂大典卷之一萬五千九百五十一

永樂大典卷之一萬五千九百五十一

十三

重錄總校官侍郎臣秦鳴雷

學士臣王大任

分校官編修臣孫銳

書寫儒士員韓耀榮

圖點監主員林慶春

員董子翰